

**Siunnersuut uunga: Naalakkersuinikkut sulinermut aningaasatigut tapiissuteqartarneq  
pillugu Inatsisartut inatsisaata allanngortinnejnarneranik Inatsisartut inatsisaat nr. xx,  
uu. qqqq 2017-imeersoq**

**Saqquummiusissut**

(Inatsisartut Siulittaasuut)

**Siullermeerneqarnera**

Siulittaasoqarfik sinnerlugu Naalakkersuinikkut sulinermut aningaasatigut tapiissuteqartarneq  
pillugu Inatsisartut inatsisaata allanngortinnejnarneranik Inatsisartut inatsissaannut  
siunnersuut matumuuna saqqummiutissavara.

Partiit, kattusseqatigiit attaviitsllu Inatsisartuni sulinerannut pisortanit tapiissutit  
iluarsineqarnissaat Siulittaasoqarfiup pisariaqartissimavaa.

Tapiissutit 2006-imiit iluarsiissuteqarfigineqarsimanngillat. Piffissap ingerlanerani kisitsisip  
atusartunut akigitinneqartunut iluarsiissutaasartup ineriarngeratigut tapiissutit  
naleerukkiartorsimapput. Ukiut tapiissutit nalingi piffissami 30 %-ingajammik  
annikilleriarsimapput. Tamanna tunngavigalugu Siulittaasoqarfiup nalilerpaa tamanna  
illuatungilerniarlunga tapiissutit qaffanneqarnissaat pisariaqartoq.

Peqatigitillugu Siulittaasoqarfik isumaqarpoq tapiissutit siunissami Kalaallit Nunaanni kisitsit  
akinut iluarsiissutaasartoq malillugu iluarsineqartassasut, tapiissutit ukiut ingerlanerini  
naleerukkiartornissaat pinngitsoortinniarlungu.

Siulittaasoqarfiup ilisimaaraa parteeqarsinnaammat partiilluunniit avataanni ilaasortaqluni  
isumaqartunik Nunatta Karsianit tapiissutit ullumikkut annertussusii naammattut, tapiissutit  
ukiut ingerlanerani naleerukkiartorsimanerat apeqqutaatinnagu. Partiit partiilluunniit  
avataanni ilaasortat taakku tapiissutinik qaffatanik tigusinissaminut pinngitsaolineqanngillat.  
Tapiissutit – malittarisassat atuuttut malillugit – neqeroorutaapput naaggaarneqarsinnaasut.  
Partiit, kattusseqatigiit partiillu avataanni ilaasortat tapiissutinik inatsimmi  
aalajangersarneqartunik tapiissutisisinnaatitaapput, kisiannili aamma tapiissutinik  
annikinnerusunik qinnuteqassallutik qinnuteqanngivinniarlutilluunniit toqqarsinnaavaat.

Taamatut oqaaseqarlunga Inatsisartut Siulittaasoqarfiat sinnerlugu siunnersuut Inatsisartunut  
oqluuserisassanngortippa.